

佩蘅詩鈔



3

天津日本圖書館登錄票

登錄 No. 9398 號

昭和 // 年 〇 月

備考



吟梅閣試帖者

佩蘅前輩通籍後所自課也詩筆奇

矯如天馬行空不可羈勒而精思異采湧現毫端至其

神韻淵然尤得穀人祭酒法乳視庸庸館閣體幾皆霄

壤或謂佩蘅以世胄掇巍科躋膺仕胡文字精邃至此

此其故他人誠不及知而余固不能以不知謝也憶道

光癸未夏與佩蘅同補博士弟子員時佩蘅年十七余

才十三齡耳余以辛卯歲舉於鄉佩蘅尙困諸生然同

人中耳其名者恆嘖嘖不去口迨丁酉佩蘅始以拔萃

科領鄉薦次年成進士都人士無不以詞林許之佩蘅

亦銳自磨厲試輒入高等顧僅以曹郎觀政儀部識與

吟梅閣試帖詩存

序

一

不識爭爲之扼腕越三載余亦捷南宮忝上第筮仕水

曹與佩蘅略相似於是朋好閒言及數奇者率以吾二

人相提而論顧余實不及佩蘅遠甚佩蘅旣入春曹郎

署清暇名流多迴翔其間佩蘅輒與之旗鼓相當所學

日益進余亦時相過從以詩古文詞相切劘而冬官事

猥瑣日與匠隸輩析秋毫利學殖遂荒落其去佩蘅會

不可道里計矣旣而佩蘅改官中允薦陟清要學愈力

業愈專著作愈富又數年余始得以庶子稱後輩蹤跡

日以密友朋杯酌間率以談藝爲樂而佩蘅直諫多聞

喜引掖後進每請益必諄諄致誨所以曷予者甚至比

余遷學士佩蘅已官閣學尙邀余造其廬共拈題作詩賦各一孜孜無倦色蓋其浸淫於古者旣專且久故結習所在造次不能忘當奉使漠北時白草黃沙中日驅二三百里行則戎車止則毳幕而天山瀚海到處皆詩境嗣由少宗伯貳司農際

國家多故軍儲匱乏運籌無暇晷及典試之江往還百餘日得詩盈鉅帙非其好學深而致力篤烏能至是況是編爲中年得意作其迥出流俗而繼聲先賢曷足惟哉已未夏佩蘅手是編屬余序之且曰非以爲名聊以志吾二人之誼也余感其意故不辭固陋而覩縷言之

吟梅閣試帖詩存

序

二

若此昔益都相國乞歸寓城南僧院高念東侍郎訪之談讌竟日贈詩有風味依然兩秀才句余生平愛之慕之今余才名遠不逮念東而佩蘅方膺

主眷領劇職其勲業所就必有勝於益都者異時

朝野清娛吾二人各賦遂初得修兩先生故事則東郭畫船西山蕭寺攜樽覓句話童稚時景況其情緒當有深於今日者請以此序爲之兆云

咸豐九年四月十有一日侍生輝發麒慶謹序

吟梅閣試帖詩存卷一

吉林寶蓋佩

真莊舞劍

得莊字

一劍當筵起鴻門舞項莊楚氛驚隱現漢業卜興  
亡白閃虹三尺紅酣酒數觴戎心開亞父怒目小  
真王吉協金刀讖寒分玉玦光風雲齊慘淡樽俎  
亦鋒鋦主客椎牛地君臣逐鹿場策勳誰獨懋伯  
也百夫防

殘菊

得香字

讀罷淵明傳西風一枕涼古懽芸葉靜殘夢菊

吟梅閣試帖詩存

卷一

香傲骨矜磨鍊秋心費較量數枝榮晚節三徑淡  
斜陽檻外烟仍碧籬根月又黃年華驚瘦蝶消息  
問寒蛩畫意疎原好詩懷冷欲狂晶簾人比似笑  
為饑瑤觴

貪看梅花過野橋

得橋字

野梅何處問見說過溪橋貪看花千樹行經路幾  
條斷魂嗤蝶夢健步趁虹腰曲岸雲雙屐香風酒  
一瓢冰心今我契鐵腳舊名標豈待僧相約端宜  
鶴共邀尋來殊捷徑修到悟崇朝識否衝寒客終  
將鼎鼐調

待雪

得吟字

接天鴉陣黑寒意逗陰陰地屆堅冰候人懷待雪  
心凍雲平大野冷日黯遙岑火擬黃羊炙醋還綠  
蟻斟梅花同醞釀竹影逼蕭森咏絮儲才久烹茶  
寄想深新交聯白屋舊社話烏金忙踏瑤臺月披  
裘自在吟

玉殿吹笙第一仙

得仙字

第一通明品無雙妙勝緣玉笙吹玉殿金闕仰金  
仙翼古斜排鳳冠尊巧綴蟬指揮香案吏提唱大  
羅天箎許蒼龍和班偕白鷺聯飛瓊時拍手子晉

吟梅閣試帖詩存

卷一

二

或齊肩月地雲階上霓裳絳節前蓬萊峰絕頂游  
戲幾經年

羅浮仙蝶

得仙字

喚醒梅花夢遼遼不計年羅浮奇蛺蝶金粉豔神  
仙紫陌紅塵外斜風細雨天銖衣矜變化錦翅耀  
翩翻幻異麻姑米芳尋太乙蓮赤松閒洞壑綠草  
古雲烟香國身修到春城路渺綿葛洪何處問軼  
事話怡然

耐寒石硯欲生冰

得寒字

欲識堅冰候先從斐几觀銅瓶殊耐冷石硯乍生

寒暖日明虛牖西風峭畫欄碧將鶴眼合黑是麝  
煤攢磨礪誇經久觚稜訝筆端頭銜離俗易手筆  
濟時難茶火冬心共梅花曉夢殘玉壺誰証取竹  
屋樂盤桓

籌筆驛

得籌字

日月尊先帝河山壯益州老臣頻握筆古驛此持  
籌綿竹軍書萃空桑相業侔褒斜干甲帳天地一  
庚郵主眷思魚水神機策馬牛芻胥雲棧路花夢  
錦城秋妙比留侯著名高德裕樓祠堂餘瘦栢俯  
仰話炎劉

吟梅閣試帖詩存

卷一

三

其二

魚腹蠶叢地黃沙白草秋大軍疇昔駐荒驛至今  
留吳魏眞堪掃蕭曹未足侔中原奔石馬全蜀扼  
金牛鳥翼蛇蟠妙綸巾羽扇愁如椽支未造峙鼎  
畫奇謀國勢三刀控星芒五丈流怪他陳壽筆將  
略未詳籌

其三

大筆淋漓染奇才漢武侯出師箴後主置驛運先  
籌慷慨南陽志精詳北伐謀故交叅董費孺子托  
伊周天險三巴據人功八陣收風烟橫玉壘關隴

望金甌素願桑田証丹心竹帛留兵書遺匣石荒  
礎白雲秋秋雲下濯高松蓋士舞麟臺樂市賦新  
其四其四詩血贈魯父黃賦精神益醫神以育海山  
筆拔風雲氣人高管樂雋聯營眞莫敵設驛預爲  
籌肝膽酬昭烈封疆結仲謀銅龍丞相節金馬帝  
王州恢復懷中土機宜據上游將才驅向寵天命  
恨譙周竹策孫吳法槐花子午秋遺踪借陣石蒼  
莽弔江流

文文山正氣歌

得歌字

一搦文山淚蒼天喚奈何上都元世界正氣宋謳

吟梅閣試帖詩存

卷一

四

歌羈客悲三載虜兵恨五坡陰陽空沚戾道義不  
銷磨火德紅羊換風謠白雁多日星高炳蔚寒暑  
屢蹉跎關月沉燕市宮花夢汴河有人書卻聘壯  
節共巍巍

其二

文筆峰前客丹心總不磨乾坤扶正氣身世付悲  
歌深院陰房闕忠肝古誼多銷沉燕歲月憑弔宋  
山河碧血酬君父黃冠話軸藹綱維均有賴生死  
誓無他往跡零丁路高名進士科祠堂柴市拜誰  
與續陽阿

杜工部秋風嘆

得秋字

錦里花溪界，盲風怪雨秋。  
編茅空嘆息，老杜此句留。  
白屋乾坤小，黃埃日月愁。  
蓬門頻束縛，蘋末又飈颺。  
弟妹思何限，兒童恨未休。  
五陵千廣廈，三峽一孤舟。  
消息看歸燕，生涯付野鷗。  
賴他嚴僕射，載酒話優游。

其二

工部冰銜在西風，老屋秋浮生。  
天寶末，永嘆蜀江頭。  
憶否藍田飲傷哉，赤甲游山川。  
驚蕭殺，廬戶費綢繆。命有長鑱倚吹，仍短髮羞烏飛。  
猿嘯急，楓葉

吟梅閣試帖詩草

卷一

五

菊花愁旅跡，羌村溯詩名。  
幕府畱青蓮，時夢見光燄。  
滿中州。

蘇武吞羶

得吞字

十九年華老，匈奴氣欲吞。  
帛書神若助，羶雪命猶存。  
薇蕨胡天苦，風霜漢節尊。  
牧羝悲紫塞，辟穀駭烏孫。  
雁磧龍城遠，黃雲白日昏。  
任教沙漠徙，不羨酪漿溫。  
報主貞心矢，茹毛古誼敦。  
河梁分袂者，忠義莫同論。

其二

麒麟高閣上，氣象子卿尊。  
旄節今爲烈，冰羶昔自

吞天山沙石路瀚海雪霜痕誰復乾餼餽惟餘皓  
首存翳桑新境界孤竹古淵源豈意吹毛索還同  
果腹論輸臺荒草徧毳幕夕陽昏漢使遺徽遠秋  
風說玉門

林逋放鶴

得逋字

鶴共梅花伴孤山興不孤蕭閒高陸羽疎放愜林  
逋馴習柴門久飛騰野徑紆掠疑殘雪似望到斷  
橋無招引來佳客迴翔慰老夫神仙縈昨夢烟水  
得吾徒熟識風雲路誰描笠屐圖五峰三竺外意  
趣想清臆

吟梅閣試帖詩存

卷一

六

其二

封禪無遺稿看雲識故吾騎驢閒伴侶放鶴靜功  
夫歲月霜毛換亭臺薜蘿路紆白翻雙翩健青傍一  
山孤梅雪恬情性茶烟入畫圖問名高北宋流影  
印西湖花港橋三面雷峰樹幾株水仙祠畔過今  
古豔林逋

呂端大事不糊塗

得端字

糊塗矜瑣事才大孰槃槃宰相稱瀉化君王識呂  
端沉冥齊萬物明敏聽千官守己清孤易隨人拜  
跪難先皇憑几命太子捲簾看首列超張趙胸懷

抵范韓乾坤雙眼白日月一心丹異議沾名者嘯  
堪等量觀

其二  
至道咸平際糊塗妙宰官事尊皇子侃勳大呂公  
端重遠肩能荷姦回膽欲寒鎖門爭玉步納陞肅  
金鑿牙笏威嚴甚心旌震動難剛堅唐宋璟渾厚  
漢倪寬文穆光同姓齊賢証古歡魯論誇半部純  
駁試倍觀

少陵無海棠詩

得棠字

長安歸不得詩聖更詩狂貧並吟園栗詞惟畧海

吟梅閣試帖詩存

卷一

七

棠春陰誰護惜秋興自蒼涼楓葉頻傾耳梅花幾  
斷腸憂深丹鳳闕夢冷碧雞坊睡笑楊妃足游嗤  
蜀郡忙云何疑有諱或偶恨無香千古籐蘿月年  
年舊草堂

其二

母也名偏諱無容賦海棠少陵真孝子天寶舊詩  
王巫峽吟懷苦鄜州別夢涼年華飛絮影風味浣  
花香別起椿萱例時賡弟妹章巍科同李賀僻字  
異劉郎麗色枝翔蝶深情棗記羊拾遺遺可拾務  
觀補奚囊

奇文共欣賞得奇字

東晉千秋恨南村五字詩文章真契合欣賞共瑰  
奇著作均懷葛朋儕或采芝田園羣嘯傲山海古  
襟期出岫閒雲悟臨軒濁酒知讀依松葉徑笑對  
菊花籬栗里高風仰柴桑片月窺先生遺傳在開  
卷幾遐思

其二

望益頻開徑臨文復賞奇故人欣與共稚子侯偏  
宜筆墨騰光怪琴樽照陸離一編黃絹古諸友素  
心怡狗吠雞鳴外停雲帶月思葛巾恬北牖花樣

吟梅閣試帖詩存

卷一

八

問東籬別有情堪話居然樂不疲桃源源可溯晉  
魏笑卑卑

祖逖聞雞起舞得鞭字

陡起英雄志聞雞舞勃然司州誇主簿祖逖著先  
鞭霸業荒陳寶軍聲惡左賢秋心三尺劍曉唱萬  
家烟膈膊增繁響昂藏付老拳關河成噩夢風雨  
被愁眠越石奇才抗雍邱勇氣堅忠貞今古式擊  
楫又江邊

其二

十六國紛然鳴雞得氣先聞聲寒曠野起舞威名

賢金馬餘荒時銅駝冷暮烟司晨愁賈后養距憤  
劉淵曉月桑麻徑秋風鼓角天中原多狗盜烈士  
此鴻壽後趙驚雄略元康惜往年新亭王謝輩念  
否祖生鞭

以鳥名官 得官字

水火雲龍外奇徵烏紀官百僚名位仰四海羽儀  
看鸞鷲文章麗鴛鴦福祿寬舉朝鸞鶴立得路快  
鵬搏求友鳩鴻易同羣燕雀難幾人冠謝鵬五色  
諾書鸞鳳閣輝常覽麟經典不刊

聖君澄敘切鸞序肅

吟梅閣試帖詩存

卷一

九

金鑾

宦途最重是文衡 得衡字

華國文章貴歧途仕宦輕薦賢誇懋賞報最重持  
衡玉汝先奢願金吾豈定評風雲奇運會山斗舊  
才名地有丹梯峙人徒紫綬榮詩書尊老輩桃李  
豔諸生手筆千秋仰頭銜一例清儒臣邀

聖鑒拔取矢忠誠

其二

公是公非界量才有定衡幸將文柄握最覺宦途  
榮勝地蓬壺近靈臺藻鑑明花同開富貴草獨秀

科名玉尺羣心愜金門衆目驚宰官需異日奎宿  
問前生慧月澄香海春風到管城

聖恩隆養士汲引羨持平

滿城桃李屬春官

得官字

夏屋知名士春曹貢舉官  
楸楠連籍屬桃李滿城  
看直等梧栖鳳誰云棘止鸞  
公門方慕狄幾輩此  
瞻韓午運英才盛寅清化育寬  
筭厨嘉宴後花雨  
曲江干舊制堂稱玉新陰樹勝  
珊旁求逢

聖世共矢寸心丹

其二

得城字

吟梅閣試帖詩存

卷一

十

春風桃李月桃李滿春城士以材能屬官因選舉  
名冬烘消衆謗夏假育羣英有力扶鴻業無言協  
駿聲冰壺高品第粉署妙權衡麗日黃金榜祥雲  
白玉京從知宗伯貴僉誦主司明好進賢臣頌

彤墀鑿惻誠

星使出詞曹

得星字

詞采輝朱紱曹司近

紫庭人間旄節使天上斗奎星躔次分光氣文章樹典  
型象垂占蜀郡麟炳話柯亭揖傍三辰朗神超九  
烈靈宮花心抱赤驛柳眼同青此日書銜鳳當年

案照瑩戴筐依

帝座遠邇仰晶熒

其二 得曹字

起鳳騰蛟客詞華冠六曹入借卿月朗出仰使星  
高魁柄尊名位參旗燦節旄九天新簡命四牡遠  
勤勞廬久金城直躬今玉尺操漢臣曾昂宿唐代  
此韓豪古驛紛行馬雄文想策熬

恩綸欣寵賁進頌擬王褒

更上一層樓 得樓字

一層層向上峻絕此重樓階級如相引高寒更莫

吟梅閣試帖詩存

卷一

十一

伴三辰俱拱揖百尺久添修妙境蟬聯轉遙空鶴  
步雷風烟澄四面天地廓雙眸碧瓦朱甍外黃河  
白日秋鳳凰盤遠勢鶴雀足清游何似依

金闕登臨邁十洲

其二 得層字

未逞樓頭步誰知上一層試將崇級轉更有曲欄  
憑門角鉤心勢捫參厯斗能名眞宜鳳榜趨不學  
猱升邀月豪情助凌雲捷足矜規模超庾亮嘯傲  
訝孫登地肖穿珠蟻人疑激水鵬觀成欽

聖治風化日蒸蒸

驊騮開道路 得開字

復水重山外奔雲激電才驊騮千里赴道路一時  
開冀野空羣過房星應運來遙天低雁積特地顯  
龍媒霜雪風沙閱驪黃牝牡猜問途驚遠大回首  
謝驚駘自古稱其德方今逞雨材

聖君塵駕馭無慮唱虺隤

其二 得驪字

道路艱難掃開先骨力道半空飛閃電一騎走驊  
騮所向驚神駿何曾憚阻修雲程高顧盼風勢健  
颼颼造父馳驅伴孫陽賞識秋範金誰寫照歎玉  
偶昂頭鞭策安閒步關河汗漫遊良材西極貢

吟梅閣試帖詩存

卷一

七

聖代遠人柔

鷹隼出風塵 得塵字

傑出看鷹隼摩空絕等倫驚心來月蝕刷羽破風  
塵白草黃雲路金眸玉爪身騰驤雄意態搏擊俊  
精神橫厲原無偶傳呼大有人加威妖鳥輩得志  
肅霜晨遠到材常奮高瞻意若曠廓清欽

聖武驅使見經綸

其二 得風字

鷹隼乘秋出塵寰顧盼雄疎身凌朔雪比類勝晨

風草木威稜肅乾坤眼界空洶洶沙捲白滾滾日  
驅紅角立森然異拳張迥不同烟雲揮霍外狐兔  
悚惶中吟詠懷工部聲華想太公繡衣扶

聖治駿烈羨崇隆

自古英雄盡解詩

得詩字

不盡蒼茫意英雄自古推壯懷豐沛酒妙解大風  
詩河岳承秦業蘭蓀笑楚詞早教諸將服未許腐  
儒欺有韻聲靈赫無前氣概奇文章開樸茂興會  
寫淋漓兩漢基初創三唐奧已窺

皇心厘典學

吟梅閣試帖詩存

卷一

三

聖治邁軒羲

其二 得雄字

詩聖詩仙外高吟朔大風斬蛇新事業逐鹿古英  
雄蒼莽天才放謳歌衆志通壯心徵四始隆準歷  
羣公目已無秦帝魂仍樂沛宮霸圖歸雅頌王氣  
雜兵戎猛士懷思切眞人格調工

奎章欽藻麗敷牖豁顛蒙

梅花不欠去年詩

得年字

花癖兼詩癖探梅話去年信教通驛使債不欠吟  
編東閣雲三徑西湖月一船春生除夕酒香溢衍

波箋叉手條風裏縈心臘雪前祭曾追島佛才肯  
讓通仙守鶴無餘恨騎驢有夙緣調羹逢

聖代宋璟擬齊肩

其二 得花字

不將詩債欠況是賦梅花去歲餘狂態新年感物  
華古苔三百樹爆竹萬千家猶憶孳香影真堪豔  
齒牙春風供嘯啄臘鼓任喧嘩興豈催租敗心兼  
踏雪奢桃符今照爍籐昏昔紛拏

昭代謳歌盛何郎未足誇

其三

得詩字

吟梅閣試帖詩存

卷一

十四

豈有騷壇容梅花轉欠詩去年真不負佳句總堪  
思破臘珠重萼吟香筆一枝錦囊憑我貯銅笛聽  
人吹古調兼今律山顛更水湄風光么鳳換心事  
蹇驢知月落參橫後茶清酒熟時羅浮春望遠翹

首少陵祠

其四

得梅字

不欠花神債前身本是梅去年堪想像詩客幾追  
陪寒憶先時峭春從昨夜來東皇無缺陷香國久  
低徊芸豔添新稿椒馨酌舊醅撚髭明月下屈指  
東雲隈爲慙吟哦興非誇敏捷才履端端可慰芳

信棘風催

春風吹又生

得春字

天涯芳草綠又換一年春地暖生機活風吹淑氣  
勻燒痕猶在野花信已兼旬豈待如酥雨方鋪似  
翠茵西堂尋舊夢南浦話前塵品物句萌候韶華  
淡宕辰半林飛絮影十里踏青人沐

澤瀛洲近重占

異命申

其二

得生字

風信傳春信吹噓最有情水心全解凍草腳又滋  
吟梅閣試帖詩存

卷一

五

榮雪地融龜坼烟林碎鳥聲去年如此碧今日更  
宜晴斜影游絲軟新痕野燒平花村香蹴踏黍谷  
律分明到處微和送何人遠道行揚仁逢

聖世鼓舞育羣生

禪心對虎閒

得心字

靜對忘墟虎安閒雅足欽荒涼蕭寺境禪定老僧  
心淨果諸天証空山一徑深西風狂別澗慧月朗  
平林座有毫瑩玉鈴看項繫金毒龍俱受制意象  
了難尋白鶴青猿侶孤雲片石陰長卿高咏處古  
德頌悃悃

其二 得開字

萬劫心常寂禪關靜不關  
遇人無色相對虎亦蕭  
聞猛鷲偕風嘯空明肖石  
頑慧燈紅古剎冷月黑  
遙山妙証鳶魚際疑游鹿  
豕聞中懷金鏡朗外物  
錦毛斑法雨天花落慈雲  
貝樹環更思龍咒鉢流  
水答潺湲

白鶴時來訪子孫

得來字

當年雙白鶴飛去更飛來  
子和時延訪孫謀共溯  
洞三千閱歲月一二舊池  
臺識字期無忘乘軒恐  
不材裳衣仙客潔欬笑老  
人猜九轉丹成頂諸孤  
玉共胎鷓鴣同嚇否鹿女  
與游纜

吟梅閣試帖詩存

卷一

六

御苑超靈囿謳歌徧草萊

其二 得孫字

翩然雲影白老鶴下庭軒  
時已成今古來應訪子  
孫仙家勞問姓羽族久分  
門豈以淩霄漢而忘庇  
本根鷓鴣驚竈采鸚鵡喜  
能言種類青田貴行踪  
紫府尊守梅頻顧復對竹  
有寒溫玉局才誰繼回

翔傍

禁垣

剔開紅焰救飛蛾

得蛾字

畫燭開紅焰深宮戲素娥照非驚見燭剔特教飛  
蛾影撲蟲疑玉香飄袖捲羅心光癡笑我眉樣細  
憐他火候同經歷生機此盪摩任尋芳草去莫惜  
落花多微物沾膏馥伊人羨手和螽斯綿揖揖仁  
厚協賡歌

其二 得紅字

爲救飛蛾出鸞欽用最工櫺開三殿碧焰剔一燈  
紅淡認眉曾掃斜翻影欲烘素波長信月粉澤可  
憐蟲著手仁恩普關心熱惱同翦翦誰警夢熠熠  
漫居功事笑趨炎輩光添坐照中敲棋何處問花

吟梅閣試帖詩存

卷一

七

滿上陽宮

樹頭蜂抱花鬚落

得蜂字

在抱花鬚豔當頭樹影重任天嬉舞蝶忽地落游  
蜂煦日朝衙放春風蜜課供生香飛不斷隨意數  
何從錦奪千叢麗金迷兩翅慵沾將紅雨潤望去  
翠烟濃染惹苔成毯遇遭槿列墉

御園韶景足品物亦熙雍

其二 得鬚字

樹蔭科頭坐蜂歸此問途喧宜驚草夢落尙抱花  
鬚紅蕊尋來慣黃脾熟也無想緣金翼懶恰喜翠

陰鋪影與烟痕彈香和露氣濡作團同蛺蝶比類  
異蒲盧別館春初悄幽林興不孤

宸游欣茂育佳景滿

皇都

水面魚吹柳絮行

得行字

絮風楊柳岸水面認縱橫雀啄續紛墜魚吹自在  
行玉拋三尺潔雪點半篙明隱隱如吞吐洋洋屢  
送迎翠宜烟樹繞白與浪花縈荷外尋真樂萍邊  
逗化生春深恬睡鳴路曲聽流鶯最喜

龍池近涵濡荷

吟梅閣試帖詩存

卷一

六

寵榮

其二

得魚字

綠柳紛飄絮紅鱗正躍魚渚邊行活潑水面戲吹  
噓雪意濃千樹烟光媚一渠文章花落後風景燕  
來初矢口春無限揚髻樂有餘脫開塵際網存否  
腹中書萍化生機盪蒲依遠志舒爲龍歸

太液沐澤更容與

吟梅閣試帖詩存卷二

吉林寶璽佩蘅

元夜張宴奪崑崙關

得張字

直搗崑崙險功高狄武襄將軍關已奪元夜宴猶  
張炬火花千樹賓筵月一堂更衣時頃刻拔幟氣  
飛揚雲撼鰲山黑塵驅雉堞黃奇勲銅面目佳節  
玉壺觴事業驚蠻部威名懾鬼章卻憐文相國出  
鎮話倉皇

其二 得關字

燈火傳呼急崑崙奏凱還主賓元夜酒邕桂漢時

吟梅閣試帖詩存

卷二

一

關有興銀花助無聲鐵甲擐歡騰三五夕平踏萬  
重山明月笙歌壯東風鼓角閒版圖恢烏道俘馘  
計花鬘緩帶輕裘意長槍大戟間金龍衣可証功  
烈重朝班

校理秘文

得文字

典策羅清秘鸞飄鳳泊文聲華金馬貴校理玉堂  
勤牒認玲瓏竹香翻郁烈芸定兼飛鹿紀幸免祖  
龍焚俗說刊同異迂儒駭見聞無花雙目炯掃葉  
一心殷亥豕多相似丁鴻未足云承明誇著作

奎藻仰星雲

其二 得文字

鳳閣宣鴻業孜孜校理勤義軒巢燧秘河嶽日星  
文薇省多奇字蘭臺証異聞手胼兼口沫縷析更  
條分雪亮窺精奧雷同訂糾紛嫺嫺仙洞壑宛委  
古烟雲班固辭畱漢彭龔事監殷

聖朝珍典籍吉士勵宵旰

春陰只欲傍高樓

得樓字

欲問春消息輕陰淡不收幾番憑曲檻只訝傍高  
樓烟暖青如畫雲低翠乍流養花天醞釀聽雨客  
句畱豈爲層欄峻偏宜淑氣浮二分濃一色百尺

吟梅閣試帖詩存

卷二

二

豁雙眸煦嫗機相引霏微迹可求登臨誰作賦茂  
對仰

皇州

其二 得春字

只覺高樓傍雲陰畫未眞似迷三里霧欲釀十分  
春梯峻丹初渥烟橫翠漸勻空濛宜長養登眺幾  
逸巡微雨曉輕暖和風蕩遠神影搖楊柳潤香醉  
杏花新得地滋培久憑欄指點頻

釀恩敷率土草野頌

皇仁

詩書至道該 得書字

皇至道通無極遺編味有餘範圍今禮樂該括古詩  
書密咏恬吟悟微言奧旨儲毛萇同啟牖張霸笑  
拘墟誦讀功宜爾源流理問渠幾人心所宅百世  
德之與象數機相貫麟經義共摠集賢思徃哲  
拜侍

宸居

其二 得該字

夙有詩書好淵源共溯洞常經原燦著至道此兼  
該政自周京啟文從孔壁來三千篇考訂十六字  
昭回魚雅深涵泳夔龍入化裁言通端木賜仕証  
漆雕開得趣皆名理成功卽雋才

聖朝崇正學多士荷栽培

學然後知不足 得知字

不足宜求足先知覺後知果然勤問學始得判盈  
虧詞海書山接賢關聖域期幾年同蛾術半解竟  
狐疑肯信胸羅富翻嫌面壁遲龍威無剩義虎觀  
有餘思燈火雞窗久烟雲蠹簡披

皇心塵念典吉士益孜孜

其二 得知字

恥道研精後欣然別有知學修原不已充足轉難  
期藝圃岡鳴鳳詞源海測蠡久堪今我証仍恨古  
入欺鹿角眞能折羊珠或致疑友常三益望讀悔  
十年遲筆底花生候胸懷雪亮時幸逢

文治洽兢業勉猷爲

仁者壽

得仁字

日月升恒壽乾坤覆載仁滿腔慈意念竟體健精  
神養就無私德蒸成與物春玉堂仙慧性金粟佛  
全身不待餐靈藥常教擬大椿萬年誰貢蛤一角  
總歌麟和順充懷抱康強異等倫呼嵩逢

吟梅閣試帖詩存

卷二

四

聖代

醴化久彌綸

其二 得慈字

華祝昭千禳仁聲徧九達銘彰恭則壽理協止於  
慈五福先歸極三無久絕私靜眞山德肖添紀海  
籌宜瑞牒珠囊衍靈符石鏡知岍嶼兼黑齒毛髓  
是黃眉金玉持躬後岡陵合頌時作人欽

盛化寰宇樂雍熙

圓荷浮小葉

得圓字

春老池塘夢人懷菡萏天浮看荷葉小疊趁浪花

圓絮影萍踪外蘆芽荻筍前露將擎滴滴歌不唱  
田田細碎魚苗漾霏微鴨漲連幾時撐翠蓋萬選  
訝青錢柳嶼澄新雨蘋洲淡暮烟

恩波承太液鳧藻頌聯翩

其二 得荷字

萬頃桃花浪浮沉已逝波一池看小葉幾日長圓  
荷貼水纔縈拂凌風已盪摩杯筒遲象鼻篙眼障  
蜂窠夾岸青遮柳迴汀綠漾蕊珠宜清露點蓋乍  
翠烟拖喧雨聽猶未如規擬若何緬懷君子德靈  
沼效廣歌

吟梅閣試帖詩存

卷二

五

細麥落輕花 得輕字

南風吹不斷滿耳栗雷聲細麥連畦秀飛花落地  
輕四時先得氣雙穉久含英玉屑香無力金芒簇  
有情白攙雲影碎翠瀉浪紋平徙倚麻同茂飄蕭  
雉莫驚園蔬供紫蕨林果豔朱櫻令節恢台紀康

年

聖化行

其二 得花字

麥隴橫縱處蕭疎景趣豚細攢初夏頰輕落大田  
花或或休疑黍穰穰或傍麻翻惟兼綠浪飛不作

紅霞潤帶清晨氣香  
吹野老家瓦絲牽染惹雉雉  
寫幽遐芳樹烟千縷  
前村路幾叉來楚歌

聖世豐樂滿篝車

夜雨長溪痕

得溪字

綠湛波痕長花溪更竹溪  
曉風吹灩灩夜雨話淒淒  
淒淒萍泛侵魚扈芹香潤  
燕泥歸雲猶斷續曲岸忽  
高低旅客登樓聽山禽脫  
袴啼濕烟芳樹外流水  
畫橋西昨夢檐聲聒前村  
渡口迷順時承

帝澤農事課鋤犁

其二

得溪字

吟梅閣試帖詩存

卷二

六

空翠南樓引春深入望迷  
雨曾喧昨夜痕恰長前  
溪日暖魚苗漾風斜燕影  
低綠添芳草岸紅雜落  
花泥楊柳烟猶濕萋萋渚  
漸齊沽同丁字認聲憶  
子規啼別館雲三徑平原  
土一犁

御園新澤澤樂事咏鳧鷖

其三

得痕字

兩氣連雲黯溪聲徹夜喧  
曉澄青靄色岸長綠波  
痕芳樹呼鳩婦平畦漾稻  
孫上游彌活潑下尺漫  
評論桃浪魚天接萍踪蟹  
斲存迴汀添碧暈飛電  
憶黃昏濕霧迷三里垂楊  
畫一村

龍津饒霽景涵泳荷

仁恩

其四 得痕字

昨夜溪雲長飄蕭急點繁落花三月雨流水半篙  
痕樹密黃鶯濕烟明白鷺翻清光漁艇外舊迹釣  
臺根菱汎千厓沒蕉窗幾陣喧汪洋通地脉滋息  
荷天恩畫意添華帶詩懷紀許渾何如靈沼頌被

澤侍

金門

好風飄樹柳陰涼 得陰字

吟梅閣試帖詩存

卷二

七

無限風光好飄飄樣柳陰樹看濃翠活人訝嫩涼  
侵飛絮二春雪柔絲萬縷金路回烟外曲色較雨  
中深似障青油幕誰眠綠綺琴有時間遠籟何處  
著煩襟畫舫橫遙岸冰壺証素心勵清邀

聖鑒建立盛儒林

其二 得陰字

好風飄不斷楊柳翠陰陰樹靜人逾健涼生暑不  
侵落紅花影悄濃綠草香深蝶助翩翩勢鶯流宛  
轉音樓臺恬午夢水石悟秋心地愛蒼苔掃天忘  
赤日臨高槐清結蔭修竹別成林解愠揮瑤軫乘

時契

聖襟

梨園弟子白髮新

得園字

白雪新華髮紅綃昔厚恩  
河山收李郭弟子老梨園  
天寶宏規朔霓裳妙譜翻  
鈴聲愁別調棧路剩驚魂  
春雨三郎夢秋霜兩鬢痕  
紫雲飄法曲素月下長門  
菊部商音苦楊家鬼唱繁  
龜年何處問檀板共金樽

其二

得新字

弟子青年悞頭顱白髮新  
梨園悲末路楊氏怨前

吟梅閣試帖詩存

卷二

八

塵羯鼓盧龍月鶯花野鹿春  
九重猶幸蜀十一偶歸秦  
疑碧沉仙樂延秋認鬼燐  
繁霜今老大迴雪昔圓勻  
鸚鵡林邊訊琵琶夢裏身上  
皇吹玉笛風露幾傷神

高下麥苗新雨後

得苗字

細雨廉纖後新晴野趣饒  
淺深融宿麥高下簇良苗  
土脉滋千頃雲容麗九霄  
紅收塵簌簌綠捲浪迢迢  
頓覺連畦長全殊抱甕澆  
雙歧懷古諺十日應今朝  
茂欲勝華黍時方詠秀萋  
彥之才孰匹

渥澤譜風謠

其二

棗花桐葉外高下麥抽苗得味風來早懷新雨後  
饒前村融地脉昨夕倒天瓢年預金襪祝膏因王  
燭調桑麻爭秀發原隰接迢遙晨氣連雲潤晴光  
隔隴描秋占魚夢近春挾雉媒驕琢句超荀鶴

釀恩頌

聖朝

淡深山色晚晴時得深字

傍晚青山色時哉趣可尋乍晴緣乍雨宜淺復宜

深風磴迴層嶂烟巒潤遠林翠畱朝爽活紅寫夕

吟梅閣試帖詩存

卷二

九

陽沉白石清泉外蒼籐古柏陰人疑斲有法雲自  
去無心合挂嶽之笏誰橫伯也琴蓬萊峰第一被

澤頌

君臨

其二得晴字

淺淺深深幻空空色色并遙山千嶂晚時雨一天

晴霞斷峰腰影泉奔石罅聲青蒼渾欲滴紫翠不

知名林木紅樓隱風烟白鳥橫荆關新畫稿笠屐

舊詩情漁唱還樵唱松棚更豆棚

御園澄霽景佳趣近蓬瀛

致遠託驥得良字

策驥緣知驥何虞道阻長呈材深寄託致遠著調  
良風骨羣空冀星精宿應房一心成坦白萬里耀  
飛黃德力真龍種馳驅執雁行雲雷爭奮迅天地  
助昂藏志趣高鴻鶴聲名古鸛鶴

聖君厯駕馭貞吉協無疆

其二

一曲歌天驥材由致遠彰塵埃欣伯樂道路託王  
良鳳嶺龍沙輭麟文虎脊長與誰矜意態所向盡  
平康伏軾嗷中駟先鞭許上襄驚人傳楮白知己

吟梅閣試帖詩存

卷二

十

略驪黃朔雪蒲梢古春風苜蓿香雲程馳驟穩

恩沛紫絲纒

鍊石補天得天字

五色媧皇石重霄帝釋天鍊將神布濩補得隙勻  
圓星斗羅胸處蛟龍捧橐年四維張若蓋一握想  
如拳黑白同修月青蒼盡化烟微痕融斧鑿妙境  
仰高堅攝魄長庚擬搜奇列子傳

聖朝無闕略

化澤徧埃垓

其二

誰補穹窿闕龍官鳳紀前人居無漏地石鍊大羅  
天腴想雲根截神從月窟穿陰陽雙熾炭山海一  
揮鞭蟻磨搏挽力鴻鈞鼓鑄權青純功早課碧落  
字應鐫壯志高精衛飛行抵僇佺靖共臣職懍

帝德仰

乘乾

歌風臺

得臺字

掀天天子氣莽莽大風來創建懷炎漢謳歌認故  
臺鄉關尊赤帝旌旆走黃埃鬱勃興龍地昂藏逐  
鹿才錦衣亭長貴瓦缶酒徒陪楚業烏騅弔秦聲

吟梅閣試帖詩存

卷二

十一

白雪推入年江戰伐一曲小徘徊不盡登臨意雲  
荒澁古苔

其二

卻月曾聞觀歌風亦有臺真人王業定游子故鄉  
回沛國雲三面彭城土一坏壯懷開擊壤大度笑  
銜杯歡洽迎鑾路飛揚命世才俯將秦地小憶否  
楚聲哀赤幟爭飄忽黃金共溯洄栢梁延後嗣文  
酒又樽疊

洛陽耆英會

雅會香山繼耆英豔醉酬丹心文相業白髮洛陽

秋爵秩頭銜略班聯齒錄搜同庚誰月且老子足  
風流援例容司馬餘情笑祝鳩十三人一德九五  
福雙修軼事元豐紀真形妙覺雷

聖朝多大耄宋史讓鴻庥

其二

眞率曾嘉會河陽續唱酬耆英高北宋溫洛俯東  
流皓白鬚眉古拖朱杖履道樂天懷異代易地話  
同儔有序偕鳴雁無心豔叱騶壽因參福慧畫意  
托公侯姚魏花應笑伊瀍水不秋至今賢聖院佛  
光照清游

吟梅閣試帖詩存

卷二

三

倉庚鳴

得鳴字

百五春光麗天教以鳥鳴斜飛來社乙巧語出倉  
庚亦解求其友非關訴不平金衣輝絢爛珠串調  
分明俗耳詩腸外千門萬戶聲風花紅杏塢烟月  
綠楊城遷喜芳辰遇催先淑氣迎

上林枝許借翩鳳快同賡

其二

江南芳草碧相喚有倉庚擇地原知止逢時亦善  
鳴竊藍輪慧性濃綠出新聲簧豕圓初協梭穿巧  
莫名絮風揚柳岸花雨牡丹棚搏黍猜同異攜柑

話送迎三春添煦嫗一片寫和平鼓吹宜韶景仙

音接

鳳城

落日照漁家

得村字

唱徹漁家傲山村接水村歸雲澄碧照落日淡黃  
昏閃爍魚天敞玲瓏蟹斲存暖紅甯竹屋空翠淨  
柴門別浦聞呼鳴鄰翁說解蘂芙蓉晴露色楊柳  
暮烟痕影畫烏篷外波明白石根待看涼月上風  
景悟桃源

其二

吟梅閣試帖詩存

卷二

三

照眼江湖白漁家老屋存三篙斜落日一水抱孤  
村楓葉紅搖影菱花紫著痕短牆簑笠曬前浦鷺  
鷗喧碧漢炊烟直黃雲野渡昏人懷湯谷地天關  
武陵源列岫排侵牖歸舟唱到門放翁吟興足卽  
境倒金樽

太尉足香

得香字

太尉高名位庸奴佞肺腸幾番心貢媚一語足生  
香梅証前身慧蘭尊竟體芳脫鞵爭吉莫濯水卽  
都梁世味談空慣人情逐臭忙背殊諛蒯徹瘧豈  
羨汾陽節鉞榮非倖薰蕕辨已忘彭孫胎口實今

古感蒼茫

其二

濯足鬱金堂非香亦覺香  
佞人工倣詭太尉助輝  
光衛早葵心警諛徒莠說  
彰蘭芬兼桂馥虎步更  
龍驥玉趾名猶歎銀鞵願  
許償置身能滌垢插腳  
總流芳臭味酸鹹外趨承  
仕宦場書同劉一文感  
慨付瑤觴

嚴子陵釣臺

得裘字

客星山近遠把釣此遨游  
臺影三篙直灘聲萬古  
流乾坤餘大澤風雨老孤  
舟帝業方銅馬子懷自

吟梅閣試帖詩存

卷二

十四

海鷗故人容曩屈名士豈  
魚求梅尉青娥夢桐廬  
白水秋史言加腹豔鳥語  
畫眉幽在哲誰堪匹高  
情五月裘

其二

峻絕嚴陵瀨荒臺俯急流  
魚忘眞主水羊說老漁  
裘舉足千星象冥心付野  
鷗一竿高雨漢七里磬  
雙眸在跡同韓信全身卽  
許由富春閒歲月華夏  
小王侯鄉共南陽朔雲看  
北固浮祠堂應不遠楓  
葉蓼花秋

老子猶龍

得師字

屈夔周家史猶龍孔氏辭阿誰天下老之子聖人  
師比德休歌鳳探源恰悟驪一珠千古揭三寶數  
言垂摹狀應無耳詢名欲解頤白頭尊疊鑠紫氣  
助迷離玉府書修竹瑤田草種芝

乘乾欽

帝學

化澤邁軒羲

其二

德純庚子聖守羨甲辰雌嘆鳳年華老猶龍道範  
奇壽應高日月品不雜蛟螭河上經宜注關前氣

吟梅閣試帖詩存

卷二

五

早知後天天有用問禮禮無遺妖詭喬松外飛騰  
化李時神明渾若此狀貌卽之而一笑青牛過驚

傳尹喜師

元鳥至

得風字

王謝堂前燕春愁話最工園林飛絮雪門巷落花  
風水掠琉璃滑梁窺玳瑁空參差時下上飄瞥忽  
西東故壘芹泥綠遙村杏雨紅頻來曾爾識知止  
與人同斜日芳郊外連雲大厦中枌榆新養社軟

詬答鄰翁

其二

燕燕如期至差池作竒工半村榆莢雨十里杏林  
風夢裏雲軒碧年時綵綵紅飛花閨院宇香絮靜  
簾櫳佳兆懷燕國新妝說漢宮雙襟春水拂一路  
夕陽烘青瑣重門熟鳥衣舊巷通翱翔依  
上苑戀切

主恩隆

停琴伫涼月

得停字

音寂琴三疊涼暉月一庭抗懷千里伫揮手七絃  
停暮色沉晶箔秋心入錦屏鞠通聞響答桂魄悟  
虛靈篆古濃添麝簾疎巧度螢樹陰流水碧天末

吟梅閣試帖詩存

卷二

六

晚烟青卸砌衣霑露銀雲彩射星好看金鏡滿彈  
與素娥聽

其二

目送飛鴻去琴徽手乍停境懷涼月白神伫暮天  
青烟靜林邊几風傳屋角鈴影迴紅燭悄曲待紫  
雲聽寒碧三更露昏黃數點星五絃虛玉軫四面  
冷銀屏庾亮思吟嘯成連契性靈無言應有悟桂

窟采芳馨

天高秋月明

得明字

萬里高秋迴天空月倍明永嘉澄夜色康樂寫詩

情雲淨蟾無翳江寒鶴有聲遙青低四野虛白通  
三更玉宇心期曠冰壺眼界清微烟京口樹涼露  
石頭城載咏良宵句常懷大謝名乘風誰想像奇  
氣斗牛橫

刑簡枉錯

得刑字

雅詠安仁擅歌傳至治馨錯原期去枉簡早頌無  
刑立法調溫肅澄源別渭涇五辭稀判牘諸直喜  
盈庭惠溥金雞廣威分繡豸靈落花閒歲月惡莠  
峻儀型豈必丹書刻真教白筆停

聖朝崇德化綱紀仰

吟梅閣試帖詩存

卷二

七

彤廷

風篁成韻

得涼字

萬个幽篁綠吟成緬謝莊秋高風有韻夜靜月俱  
涼整整斜斜趣梢梢葉葉旁濃陰時左右虛籟自  
宮商露滴中庭白烟凝一徑蒼律疑吹嶰谷譜欲  
問霓裳而地蟾光合凌雲鳳尾翔

御園

宸賞愜勁節助蕃昌

檢身若不及

得身字

欽若兼時若修身愈檢身有爲期迅厲不及凜持

循見善前疑卻求疵幻恐眞玉成巖一已金式警  
重申益進雷同奮升高日與新望羊深向往追駟  
肅精神鼓舞千秋志盤銘萬古珍光湯

皇慎德兢業策臣鄰

其二

不及嚴防檢商王慎厥身藉之箴太甲亦若儆維  
寅屋漏功無曠竿頭步有神駒光驚鹿鹿鴻業想  
麟麟幾早秋毫察陰同夏后珍望洋雙目極踴堦  
數言遵虺誥欽先哲鳩方笑後塵吾

皇超萬禩

吟梅閣試帖詩存

卷二

六

聖德仰精醇

細雨垂楊繫畫船

得船字

細雨三春月垂楊萬頃烟橫塘開罨畫送客繫樓  
船錦纜牙檣映蘆汀蓼溼連翠迷芳草岸紅醉養  
花天絮影空千里萍踪又一年鶯聲烏榜外人語  
白門前脉脉游絲惹依依別緒牽石湖吟孰繼

澤沐

鳳池邊

其二

無限離情繫垂楊細雨天詩吟揚子驛畫問米家

船流水懷前浦飛花似去年幾條紅板路十里綠  
絲烟柔櫓驪歌答遙隄鷺影拳東風新鳴漲西舫  
舊鴉絃繁響聞青笠閒心話白檀

液池欣作頌擬范富佳篇

松花黏鶴毛骨香 得黏字

山靜松花老雲深鶴夢恬烟霞高趣洽毛骨暗香  
黏撫徑懷元亮橫江話子瞻縞衣風味別黃霰露  
痕兼翠冷濤聲答青濃石髓添清芬疑篤耨微笑  
悟華嚴綺麗桐翔鳳芳馨桂倚蟾何如

蓬島上卓立俯雞廉

吟梅閣試帖詩存

卷二

九

秋末晚菘 得菘字

菜根香可掬天末又秋風飽飯供新稻嘉蔬說晚  
菘清霜三徑外寒日一畦中菊影穿籬碧桃花點  
醋紅羊蹄忘蹴踏牛肚想腴豐入傳冰壺韵參禪  
玉版空芹殊吟杜老韭並記周翁何似鹽梅業調  
元贊

聖功

其二

木末秋烟碧畦邊晚照紅花香猶有菊菜把最宜  
菘淡泊詩懷近腥羶世味空影寒驚去雁躡熟話

熊白露蒼葭地烹葵剝棗風佐應雲子米品歷  
水晶蔥王儉詢徒切何曾飽亦同彥倫傳韻事卿  
相俯江東

開門看雨月滿湖

得門字

菰蒲風作雨起看月當門夜氣開襟爽湖光滿日  
存蕭騷攬玉笛空濶湧金盆珠箔寒無影銀雲淡  
有痕翠疑帆葉濕白挾浪花翻急陣驚天籟涼波  
淨客魂蒼生歸夢寐碧漢接淵源

太液歌游豫汪洋沐

聖恩

吟梅閣試帖詩存

卷二

二

東風解凍

得風字

大凍意全消解乾坤一氣中南榮欣化日東陸已祥  
風林暖烟微漾泥香雪乍融蛟冰千片碎鵬路九  
霄通波縠縈新碧塵絲送軟紅鶯花觀物候鳧藻  
悟天工噓植乘時助溫暾到處同

皇仁欽普被樂利頌無窮

謝傅東山

得生字

踏徧東山路常標謝傅名臣心惟白水女伎亦蒼  
生洞古溪雲入堂虛嶺月明南樓高庾亮北渚話  
袁宏支許看鴻舉淮淝笑蟻爭朝廷都小草勳業

偶新城燕寢圍棋樂雞籠拄笏情遺踪誰躡履石  
齒亂烟橫

治龔酒

得龔字

春酒粉榆社靈奇妙感通拚將今夕醉治得昔年  
龔隔閱緣何事温醇信有功一時消壘塊四達想  
玲瓏豈似曹參飲兼成夏禹聰不須誇軟飽直許  
豁羣蒙路已兜元闕勲還益智同衢尊飲

聖世寰宇荷

峴嶽

其二

吟梅閣試帖詩存

卷二

三

俗耳針砭久鶯啼曉樹紅酒香看賽社人坐話治  
龔宛似醍醐灌全教障翳空幾年深醞釀一旦快  
疏通佛慧芭蕉展仙心琥珀融聞根眞雪亮飲興  
肯雷同舊夢劉元石新塗陸放翁涵濡歌

化澤明達溯

宸衷

其三

桑柘三春酒神靈祀社公能爲鄉里福未許世人  
龔杯泛流霞碧爐疑點雪紅遠知醒與醉定使塞  
爲通似藉馨香意全收滌盪功昂頭歡父老提耳

到兒童鶯好攜柑聽龜還紀柎同洽平懷大略割  
肉笑匆匆

其四

社鼓走村翁靈音欲振聳神絃借奏曲旨酒亦成  
功是否名千日眞如達四聰予懷銷抑塞汝聽得  
宏通香或流涎易清疑洗耳同相誰誇面白醉合  
笑顏紅有興醅醕洽無心滯礙空提壺花外勸消  
息問東風

商山芝

得山字

翠繞商州路迢迢上洛山葛懷同向往芝采任躋

吟梅閣試帖詩存

卷二

三

攀赤帝侯王外黃公伯仲閒療饑供嘯咏得味在  
蕭閒嗜豈惟三秀餐應是九還衣冠高漢代薇蕨  
異殷頑羽翼青宮佐神仙紫府班含香麋鹿友秦  
鹿笑塵寰

輕燕受風斜

得輕字

作態欹斜甚風輕燕益輕宛同虛以受直自御而  
行下上音相和低昂勢不傾回翔纔水榭飄瞥已  
雲程舞絮便來去飛花管送迎吹噓如與助暇整  
肯居名門巷烏衣貴池臺綠草平鴻毛占順遇

御苑荷生成

